



Z A P I S N I K
11. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 24. septembra 2007. godine

Sjednica je počela u 15 sati.

Sjednicom je predsjedavala Snježana Rajilić, predsjedavajuća Komisije.

Sjednici su prisustvovali članovi Komisije: Mehmed Suljkanović, prvi zamjenik predsjedavajućeg, Slavko Jovičić, Jozo Križanović, Salko Sokolović, Šemsudin Mehmedović i Hadži Jovan Mitrović.

Odsustvo su opravdali Ekrem Ajanović i Jerko Ivanković Lijanović.

Sjednici su, također, prisustvovali: Hajrudin Podbičanin, pomoćnik ministra vanjske trgovine i ekonomskih odnosa BiH, Čedomir Ljuboje, rukovodilac Odsjeka za carinsku tarifu u Ministarstvu vanjske trgovine i ekonomskih odnosa BiH, Branislav Žugić, šef Kabineta ministra za vanjsku trgovinu i ekonomske odnose BiH, i Emira Češljarić, sekretar Komisije.

Za sjednicu je predložen i jednoglasno usvojen sljedeći

D N E V N I R E D

1. Usvajanje Zapisnika 10. sjednice Komisije,
2. Razmatranje Prijedloga zakona o izmjenama Zakona o carinskoj tarifi BiH radi dostavljanja mišljenja Predstavničkom domu, u skladu s članom 104. Poslovnika Predstavničkog doma, predlagač: Vijeće ministara BiH,
3. Razmatranje „Deklaracije o zaštiti domaćih poljoprivrednih proizvoda“ Skupštine Tuzlanskog kantona, upućene Komisiji od Kolegija Predstavničkog doma 27.8. 2007. godine,
4. Tekuća pitanja.

Ad.1.

Zapisnik 10. sjednice Komisije usvojen je jednoglasno, bez primjedbi.

Ad.2.

Razmatranje Prijedloga zakona o izmjenama Zakona o carinskoj tarifi BiH radi dostavljanja mišljenja Predstavničkom domu, u skladu s članom 104. Poslovnika Predstavničkog doma, predlagač: Vijeće ministara BiH

Predsjedavajuća Snježana Rajilić istakla je da, u skladu s članom 104. Poslovnika Predstavničkog doma, treba podržati principe Prijedloga zakona o izmjenama Zakona o carinskoj tarifi BiH, predlagača Vijeća ministara BiH.

Mehmed Suljkanović istakao je da nema razloga da Komisija, kao nadležna, ne podrži principe navedenog Prijedloga zakona. Međutim, ukazao je na potrebu rješavanja situacije kada se u parlamentarnoj proceduri pojave dva identična prijedloga zakona iz iste

oblasti upućena od različitih predlagača. Mišljenja je da bi, u saradnji s Ministarstvom vanjske trgovine i ekonomskih odnosa BiH, Komisija trebalo da nađe rješenje u pravcu zauzimanja konačnog stava predloženih izmjena.

Šemsudin Mehmedović naglasio je da Komisija za vanjsku trgovinu i carine mora biti podrška domaćoj proizvodnji. Naglasio je da će podržati principe navedenog Prijedloga zakona. Procedura će se poštovati, odnosno amandmani će biti uloženi u propisanim rokovima.

Slavko Jovičić naglasio je da Komisija ubuduće treba imati zvaničan stav Vijeća ministara BiH kada je riječ o određenom prijedlogu zakona.

Branislav Žugić rekao je da Ministarstvo nema dileme kod odredbi Zakona o sistemu indirektnog oporezivanja u Bosni i Hercegovini; da je Vijeće ministara BiH dostavilo mišljenje na Prijedlog zakona Komisije i da se eventualna usaglašavanja mogu izvršiti u amandmanskoj fazi.

Jozo Križanović napomenuo je da neće podržati principe Prijedloga izmjena zakona i zato što je Komisija predložila svoj prijedlog izmjena Zakona o carinskoj tarifi BiH.

Nakon rasprave, Komisija je, sa šest glasova „za“ i jednim glasom „protiv“, **zaključila** da prihvati principe Prijedloga zakona o izmjenama Zakona o carinskoj tarifi BiH, predlagača Vijeća ministara BiH, te će na osnovu člana 104. Poslovnika Predstavničkog doma dostaviti mišljenje predsjedavajućem Predstavničkog doma.

Ad.3.

Razmatranje „Deklaracije o zaštiti domaćih poljoprivrednih proizvoda“ Skupštine Tuzlanskog kantona, upućene Komisiji od Kolegija Predstavničkog doma 27.8. 2007. godine

Nakon razmatranja „Deklaracije o zaštiti domaćih poljoprivrednih proizvoda“ Skupštine Tuzlanskog kantona, članovi Komisije konstatirali su da su njihove aktivnosti usmjerene na rješavanje ove problematike i da o tome treba obavijestiti Kolegij Predstavničkog doma. Komisija je jednoglasno usvojila **z a k l j u č a k** da:

„obavijesti Kolegij Doma da su u posljednjih šest mjeseci aktivnosti Komisije u saradnji sa: Vijećem ministara BiH, Ministarstvom vanjske trgovine i ekonomskih odnosa BiH, Vanjskotrgovinskom komorom BiH i Upravom za indirektno oporezivanje BiH, usmjerene na pitanja navedena u tački II. Deklaracije i predloži Kolegiju da podnosioca Deklaracije obavijesti o navedenom zaključku.“

Ad.4.

Tekuća pitanja

Snježana Rajilić je, u okviru ove tačke dnevnog reda, istakla da na Prijedlog zakona o izmjenama Zakona o carinskoj tarifi BiH, čiji je predlagač Komisija, nije traženo mišljenje-odobrenje Upravnog odbora Uprave za indirektno oporezivanje BiH u skladu s odredbama Zakona o sistemu indirektnog oporezivanja u Bosni i Hercegovini. Nakon rasprave o razmatranju Prijedloga izmjena zakona oba predlagača, na 15. sjednici Predstavničkog doma, zakazanoj za 26.septembar 2007. godine, Komisija je zaključila da će na narednoj sjednici odlučiti da li da se obrati Upravnom odboru Uprave za indirektno oporezivanje BiH radi davanja mišljenja-odobrenja na izmjene Zakona.

Sjednica je završena u 16 sati.

Sekretar Komisije
Emira Češljarić

Predsjedavajuća Komisije
Snježana Rajilić